

Beiband 3

S. 12

1292 Januar 13 (id. Januarii), Rom.

[92

Zehn Bischöfe verleihen der Alten Kirche zu Aalen einen Ablass von je 40 Tagen an bestimmten Festen.

Universis Christifidelibus presentes litteras inspecturis Rogerius Severinus, Johannis Mokicen., Dei gratia archiepiscopi, Leotherius Verulanus, Marcellinus Turtibulen., Daniel Laquedonien., Berardus Fulginas, Romanus Croen., Guillelmus Callen., (Cyprianus Voven. et Perronus Larinen., eadem gratia episcopi, salutem in Domino sempiternam. Licet is, de cuius munere venit, ut sibi a suis fidelibus digne ac laudabiliter serviatur, de habundantia pietatis sue merita supplicum excedens et vota bene servientibus multo maiora tribuat quam valeant promereri, desiderantes tamen reddere Domino populum acceptabilem fideles Christi ad complacendum ei quasi quibusdam allectivis muneribus indulgentiis videlicet et remissionibus invitamus, ut exinde redantur divine gratiae aptiores. Cupientes igitur, ut vetus ecclesia in Aalen Monasterien. diocesis congruis honoribus et iugiter Christi fidelium frequentatione veneretur, omnibus vere penitentibus et confessis, qui ad dic(tam) ecclesiam in festis subscriptis videlicet nativitate, resurrectionis et ascensionis (Domini) nostri Jesu Christi atque Pentecostes, in quatuor fe(stivitatibus) gloriose virginis Marie, sancti Joannis baptiste, patroni vel patronorum et in an(niversariis) dedicationis ecclesiae memorate ac per octo dies imm(ediate) sequentes festa prelibata, sanctique Michael archangeli, beatorum Petri et Pauli aliorumque omnium apostolorum, beati Laurentii martiris, beatorum Mar(tini) et Nicolai pontificum, beatarum Marie Magdalene et Katerine virginis atque in festivitate omnium sanctorum causa devotionis accesserint aut qui ad fabricam vel structuram, luminaria, ornamenta vel ad alia necessaria ipsius ecclesie manus porrexerint adiutrices seu in extremis laborantes quicquam suarum facultatum legaverint ecclesie memorate, nos de omnipotentis Dei misericordia et beatorum Petri et Pauli apostolorum eius auctoritate confisi singuli singulas dierum quadragenas de iniun(ctis) sibi penitentiis, dummodo consensus dioecesis ad id accesserit, in Domino misericorditer relaxamus. In cuius rei testimonium presens scriptum sig(illorum) nostrorum munimine duximus roborandum. Datum Rome id. Januarii anno Domini M^oCC^oLXXXX^o secundo, pontificatus domini Nicolai pape nostri anno quarto.

Dr. Berg, hofschöbibl. Die 10. Gef. der Westfalen an rätelher. Geide. ab. II. 2.